

Ulmen sämikielâlij já kulttuurân vuáđuduvvee palvâlusâi kvaliteet, vaikuttemvuotâ já finnimvuotâ

SÄÄMI PUÁRÁSIJPARGO TYEJIPIERGÂSKASSÂ

- Maht mun tooimâm, ko äššigâssân lii sämmilâš elilâmolmooš?

Ovdedemrááhtus vievâst

Uusâim sämmilij puárásijhuolâttâsân tagarijd **pargomaalijd**, moh tähideh päikkipalvâlusâst, palvâlemasâmist, pehtilittum palvâlemasâmist já lájádâshuolâttâsâst tom, ete sämmilij elilâmulmui **kielâliih já kulttuurliih vuoigâdvuodâh** olášuveh.

- Šiev tipšo já huolâttâs ulmen lii, ete sämmilij elilâmulmui jieijâs kielâ já kulttuur váldojeh vuotân puoh tipšo- já huolattâspâlvalusâin
- Sämmilii puárásijpargo äššigâs vaja pyerebeht talle, ko palvâlusah olášuttojeh sämmilij áárvui mielđ já samikielân.

Säämi puárásijpargo tyejipiergâskassâ lii rahtum išseen pargoviehân, kote parga sämmilij elilâmulmuiguin. Siskáldâs vuáđuduvá pyeri muodon hárijnem mielđ puáttám tiätun, kost äššitobden láá toimâm sämikuávlusâi sämikielâliih sosiaal- já tiervâsvuodâsyergi pargeeh.

Tyejipiergâskaasâ vievâst

- Sämikielâ já kulttuur puátiuh uáinusân tipšopargoost. Jieijâs tuávváá merhâšume já tipšopargo kvaliteet tiäduvveh.
- Pargoviehâ váldá pyerebeht huamášumân sämmilii elilâmulmuu táárbuid já äššigâs uázžu máhđulâšvuodâ vaikuttid jieijâs tiipšon päikkipalvâlusâst, palvâlemasâmist, pehtilittum palvâlemasâmist já lájádâstipšoost.
- Pargoviehâ uázžu keevâtlid ravvuid, avžuuttâsâid tast, maht sämmilâš elilâmolmooš puáhtá siäiluttid já paijeentoollâđ kielâs, kulttuuris já identiteetis.
- Raavâkirjáá vievâst pargosiärvádâhân puáttee pargee puáhtá älkkeht uápásmittid.
- Tyejipiergâskaasâst finnee älkkeht já jotelávt ibárdâs tast, ete maid sämmilâš puárásijpargo pargosaajeest uáivild.
- Sämmilii elilâmulmuu já suu omâhái vaikuttemmáhđulâšvuodâh tiipšon puáráneh.
- Jyehi lovo peht láá sämikuávlusâi puárásijpargo kyeskee tiätu já ravvuuh. Lasseen lii tile, kuus jieškote-uv pargosaje vuáháduvâid puáhtá tievâsmittid.

